

中国古典精品影集成

# 草木

蒋廷锡等编纂

# 典

上海文艺出版社



下册



中国古典精品影印集成

# 草木典

蒋廷锡等编纂

上海文艺出版社

下册



ZHONGGUOGUDIANJINGPINYINGYINJICHENG



# 草木典

编纂者 蒋廷锡等  
责任编辑 徐华龙  
封面设计 王志伟

上海文艺出版社出版、发行

地址：上海绍兴路74号

电子邮件：cslcm@public1.sta.net.cn

网址：www.slcw.com

新华书店经销 上海中华印刷厂印刷

开本七八七×一〇九二 十六/一

印张一九〇.五

插页一〇

一九九九年十一月第一版

一九九九年十一月第一次印刷

印数：一—二〇〇〇册

ISBN 7-5321-1929-7/K·132

定价：238.00元(上、下二册)

欽定古今圖書集成博物彙編草木典

第一百五十四卷目錄

黃環部彙考

黃環圖

本草綱目 黃環

黃環部雜錄

藤黃部彙考

本草綱目 藤黃

麻黃部彙考

麻黃圖

投成式酉陽雜俎 麻黃

本草綱目 麻黃 附雲花子

麻黃部紀事

薑黃部彙考

薑黃圖

本草綱目 薑黃

閩書 南產

草木典第一百五十四卷

黃環部彙考

釋名

黃環 本經

凌泉 本經

就葛 唐本草

生芻 綱目

大戟 本經

狼跋子 別錄

度穀 唐本草

根韭 綱目

黃環圖



本草綱目

黃環釋名

李時珍曰此物葉黃而圓故名黃環如蘿摩呼白環之義亦是葛類故名就葛跋乃狼足名其莢似之故曰狼跋子

集解

別錄曰黃環生蜀郡山谷三月采根陰乾吳普曰蜀黃環一名生芻二月生苗正赤高二尺葉黃圓端大經日葉有汁黃白五月實圓三月采根黃色從理如車輻解

陶弘景曰似防己亦作車輻理解蜀都賦云青珠黃環即此或云是大戟花定非矣用甚稀市人眇有識者

又曰狼跋子出交廣形扁扁制搗以雜木投水中魚無大小皆浮水而死

蘇恭曰黃環惟襄陽大有餘處雖有亦稀巴西人謂之就葛今園庭亦種之作藤生大者莖徑六七寸根亦葛類陶云似防己者近之取葛根誤食之吐利不

止土漿解之此真黃環也今太常收劍南來者乃雜尿葛根非黃環也其花紫色其子名狼跋子角生似皂莢交廣送入太常者正是黃環子也花實與葛同

李時珍曰吳普所說甚詳而唐末本草不收何也范子計然云黃環出魏郡以黃色者為善

黃環氣味

苦平有毒

吳普曰神農黃帝有毒桐君扁鵲苦

甄權曰大寒有小毒

徐之才曰鳶尾為之使惡伏苓防己乾薑

主治

本經曰蠱毒鬼疰鬼魅邪氣在臟中除欬逆寒熱

甄權曰治上氣急及百邪

李時珍曰治痰嗽消水腫利小便

狼跋子氣味

苦寒有小毒

主治

別錄曰惡瘡蝸疥殺蟲魚

陶弘景曰苦酒摩塗瘡疥效

附方

水腫黃環根曬乾每服五錢水煎服小便利為效

方事

黃環部雜錄

補筆談黃環即今之朱藤也枝下皆有葉如槐其花穗懸紫色如葛花可作菜食火不熟亦有小毒京師人家園圃中作大架種之謂之紫藤花者是也實如皂莢蜀都賦所謂青珠黃環者黃環即此藤之根也古今皆種以爲庭檻之玩今人折其莖於槐榦上接之僞爲矮槐其根入藥用能吐人

藤黃部彙考

釋名

藤黃 海藥本草

沙黃 綱目

圖缺

本草綱目

藤黃釋名

李珣曰按郭義恭廣志云出岳鄂等州諸山崖樹名海藤花有藥散落石上彼人收之謂之沙黃就樹采者輕妙謂之臘黃今人訛爲銅黃銅藤音謬也此與石淚采之無異畫家及丹竈家時用之

李時珍曰今畫家所用藤黃皆經煎煉成者紙之麻人按周達觀真臘記云國有畫黃乃樹脂蕃人以刀斫樹枝滴下次年收之似與郭氏說微不同不知卽一物否也

氣味

酸澆有毒

主治

李珣曰蚰牙蛀齒點之便落

麻黃部彙考

釋名

麻黃 本草

卑相 別錄

狗骨 廣雅

雲花子 附

龍沙 本經

卑鹽 別錄

中黃節士 集解

麻黃圖



段成式酉陽雜俎

麻黃

麻黃莖端開花小花而黃簇生子如覆盆子可食至冬枯死如草及春却青

本草綱目

李時珍曰諸名殊不可解或云其味麻其色黃未審然否張揖廣雅云龍沙麻黃也狗骨麻黃根也不知何以分別如此

集解

別錄曰麻黃生晉地及河東立秋采莖陰乾今青

陶弘景曰今出青州彭城榮陽中牟者爲勝色青而多沫蜀中亦有不好

蘇恭曰鄭州鹿臺及關中沙苑河旁沙洲上最多同州沙苑亦多其青徐者亦不復用

掌禹錫曰按段成式酉陽雜俎云麻黃莖頭開花小花而黃叢生子如覆盆子可食

蘇頌曰今近汴京多有之以榮陽中牟者爲勝春生苗至夏五月則長及一尺以來稍上有黃花結實如百合瓣而小又似皂莢子味甜微有麻黃氣外皮紅裏仁子黑根紫赤俗說有雌雄二種雌者於二月四月內開花六月結子雄者無花不結子至立秋後收莖陰乾

李時珍曰其根皮色黃赤長者近尺

莖修治

陶弘景曰用之折去節根水煮十餘沸以竹片掠去上沫沫令人煩根節能止汗故也

葦氣味

苦溫無毒

別錄曰微溫

吳普曰神農雷公苦無毒扁鵲酸李當之平

甄權曰甘平

張元素曰性溫味甘辛氣味俱薄輕清而浮陽也升也手太陰之藥入足太陽經兼走手少陰陽明李時珍曰麻黃味苦而辛性熱而輕揚僧繼洪云中有麻黃之地冬不積雪為泄內陽也故過用則洩真氣觀此則性熱可知矣服麻黃自汗不止者以冷水浸頭髮仍用撲法即止凡服麻黃須避風一日不爾病復作也凡用須佐以黃芩則無赤眼之患徐之才曰厚朴白微為之使惡辛夷石膏

莖主治

本經曰中風傷寒頭痛溫瘧發表出汗去邪熱氣止欬逆上氣除寒熱破癥瘕積聚別錄曰五藏邪氣緩急風脅痛字乳餘疾止好唾通脹理解肌洩邪惡氣消赤黑斑毒不可多服令人虛甄權曰治身上毒風癬疥皮肉不仁主壯熱溫疫山嵐瘴氣

大明曰通九竅調血脈開毛孔皮膚

張元素曰去營中寒邪泄衛中風熱

李時珍曰散赤目腫痛水腫風腫產後血滯

發明

陶弘景曰麻黃療傷寒解肌第一藥

蘇頌曰張仲景治傷寒有麻黃湯及葛根湯大小青龍湯皆用麻黃治肺痿上氣有射干麻黃湯厚朴麻

黃湯皆大方也

李杲曰輕可去實麻黃葛根之屬是也六淫有餘之邪客於陽分皮毛之間腠理閉拒營衛氣血不行故謂之實二藥輕清成象故可去之麻黃微苦其形中空陰中之陽入足太陽寒水之經其經循背下行本寒而又受外寒故宜發汗去皮毛氣分寒邪以泄表實若過發則汗多亡陽或飲食勞倦及雜病自汗表虛之證用之則脫人元氣不可不禁

王好古曰麻黃治衛實之藥桂枝治衛虛之藥二物雖為太陽證藥其實營衛藥也心主營為血肺主衛為氣故麻黃為手太陰肺之劑桂枝為手少陰心之劑傷寒傷風而欬嗽用麻黃桂枝即湯液之源也李時珍曰麻黃乃肺經專藥故治肺病多用之張仲景治傷寒無汗用麻黃有汗用桂枝歷代明醫解釋皆隨文傳會未有究其精微者時珍常釋思之似有一得與昔人所解不同云津液為汗汗即血也在營則為血在衛則為汗夫寒傷營營血內滯不能外通於衛衛氣閉固津液不行故無汗發熱而憎寒夫風傷衛衛氣外泄不能內護於營營氣虛弱津液不固故有汗發熱而惡風然風寒之邪皆由皮毛而入皮毛者肺之合也肺主衛氣包羅一身天之象也是證雖屬乎太陽而肺實受邪氣其證時兼面赤悌鬱欬嗽有痰喘而胃滿諸證者非肺病乎蓋皮毛外閉則邪熱內攻而肺氣鬱鬱故用麻黃甘草同桂枝引出營分之邪達之肌表佐以杏仁泄肺而利氣汗後無大熱而喘者加以石膏朱肱活人書晝至後加石膏知母皆是泄肺火之藥是則麻黃湯雖太陽發汗重

劑實為發散肺經火鬱之藥也腠理不密則津液外泄而肺氣自虛虛則補其母故用桂枝同甘草外散風邪以救表內伐肝木以防脾佐以芍藥泄木而固脾泄東所以補西也使用以薑棗行脾之津液而和營衛也下後微喘者加厚朴杏仁以利肺氣也汗後脈沈遲者加人參以益肺氣也朱肱加黃芩為湯者所以瀉肺熱也皆是脾肺之藥是則桂枝雖太陽解肌輕劑實為理脾救肺之藥也此千古未發之秘旨愚因表而出之又少陰病發熱脈沈有麻黃附子細辛湯麻黃附子甘草湯少陰與太陽為表裏乃趙嗣真所謂熱附配麻黃補中有發也一錦衣夏月飲酒達旦病水泄數日不止水穀直出服分利消導升提諸藥則反劇時珍診之脈浮而緩大腸下弩復發痔血此因肉食生冷茶水過雜抑遏陽氣在下水盛土衰素問所謂久風成癘泄也法當升之揚之遂以小續命湯投之一服而愈昔仲景治傷寒六七日大下後脈沈遲手足厥逆咽不利唾膿血泄利不止者用麻黃湯平其肝肺兼升發之即斯理也神而明之此類是矣

根節氣味

甘平無毒

根節主治

陶弘景曰止汗夏月雜粉撲之

發明

甄權曰麻黃根節止汗以故竹扇杵末同撲之又牡蠣粉栗粉并麻黃根等分為末生絹袋盛貯盜汗出即撲手摩之

李時珍曰麻黃發汗之氣駛不能禦而根節止汗效如影響物理之妙不可測度如此自汗有風濕傷風風溫氣虛血虛脾虛陰虛胃熱痰飲中暑陽柔症諸證皆可隨證加而用之當歸六黃湯加麻黃根治盜汗尤捷蓋其性能行周身肌表故能引諸藥外至衛分而固膜理也本草但知撲之之法而不知服餌之功尤良也

附方

天行熱病初起一二日者麻黃一大兩去節以水四升煮去沫取二升去滓著米一匙及鼓為稀粥先以湯浴後乃食粥厚覆取汗即愈五說必用方

傷寒雪煎麻黃十斤去節杏仁四升去皮熬大黃一斤十二兩先以雪水五石四斗漬麻黃於東向簾釜中三宿後納大黃攪勻桑薪煮至二石去滓納杏仁同煮至六七斗絞去滓置銅器中更以雪水三斗合煎令得二斗四升藥成丸如彈子大有病者以沸白湯五合研一丸服之立汗出不愈再服一丸封藥勿令洩氣千金方

傷寒黃疸表熱者麻黃醇酒湯主之麻黃一把去節絲裹美酒五升煮取半升頓服取小汗春月用水煎千金方

裏水黃腫張仲景云一身面目黃腫其脈沈小便利甘草麻黃湯主之麻黃四兩水五升煮去沫入甘草二兩煮取三升每服一升重覆汗出不汗再服慎風寒 千金云有患氣急久不瘥變成水病從腰以上腫者宜此發其汗

水腫脈沈屬少陰其脈浮者為氣虛脹者為氣皆非

水也麻黃附子湯汗之麻黃三兩水七升煮去沫入甘草二兩附子炮一枚煮取二升半每服八分日三服取汗張仲景方

風痺冷痛麻黃去根五兩桂心二兩為末酒二升慢火熬如飴每服一匙熱酒調下至汗出為度避風聖惠方

小兒慢脾風因吐泄後而成麻黃長五寸十箇去節白木指面大二塊全蠍二箇生薄荷葉包煨為末二歲以下一字三歲以上五分薄荷湯下聖惠方

尸咽痛辨語聲不出麻黃以青布裹燒煙筒中熏之聖惠方

產後腹痛及血下不盡麻黃去節為末酒服方寸匕一日二三服血下盡即止子母金鑑

心下悸病半夏麻黃丸用半夏麻黃等分末之煉蜜丸小豆大每飲服三九日三服金鑑要略

痘瘡倒靨寇宗奭曰鄭州麻黃去節半兩以蜜一匙同炒良久以水半升煎數沸去沫再煎去三分之一去滓乘熱服之避風其瘡復出也一法用無灰酒煎其效更速仙源縣筆工李用之子病斑瘡風寒倒靨已困用此一服便出如神

中風諸病麻黃一秤去根以王相日乙卯日取東流水三石三斗以淨鑊盛五七斗先煮五沸掠去沫逐旋添水盡至二五斗澆去麻黃澄定濾去滓取清再熬至一斗再澄再濾取汁再熬至升半為度密封收之一二年不妨每服一二匙熱湯化下取汗熱時要勤攪勿令著底恐焦了仍忌雞犬陰人見之此劉守真祕方也宣明方

盜汗陰汗麻黃根牡蠣粉為末撲之

盜汗不止麻黃根椒目等分為末每服一錢無灰酒下外以麻黃根故蒲扇為末撲之奇效良方

小兒盜汗麻黃根三分故蒲扇灰一分為末以乳服三分日三服仍以乾薑三分同為末三分撲之古今錄驗

諸虛自汗夜臥即甚久則枯瘦黃者麻黃根各一兩牡蠣米泔浸洗煨過為散每服五錢水二盞小麥百粒煎服局方

虛汗無度麻黃根黃耆等分為末飛麵糊為丸梧子大每用浮麥湯下百丸以止為度試坐翁方

產後虛汗黃耆當歸各一兩麻黃根二兩每服一兩煎湯下

陰囊濕瘡腎有勞熱麻黃根石硫黃各一兩米粉一合為末傳之千金方

內外障翳麻黃根一兩當歸身一錢同炒黑色入麝香少許為末噉鼻頻用此南京相國寺東黑孩兒方也普濟方

附錄雲花子

李時珍曰按葛洪肘後方治馬疥有雲花草云狀如麻黃而中堅實也

麻黃部紀事

中牟縣志麻黃產龍脊山明朝入貢成化中知縣戴玉伐其根圍拱把長三尺遂不生明末始免貢

薑黃部彙考

釋名

迷目

寶鼎香

薑黃

赤天佩

薑黃圖



本草綱目

薑黃集解

蘇恭曰薑黃根葉都似鬱金其花春生於根與苗並出入夏花爛無子根有黃青白三色其作之方法與鬱金同西戎人謂之迷其味辛少苦多亦與鬱金同惟花生異耳

陳藏器曰薑黃真者是經種三年以上老薑能生花花在根際一如藕荷根節堅硬氣味辛辣種薑處有之終是難得西番亦有來者與鬱金迷藥相似如蘇恭所說即是迷藥而非薑黃又言薑黃是迷鬱金是胡迷如此則三物無別遞相連名總稱為迷則功狀當不殊而今鬱金味苦寒色赤主馬熱病薑黃味辛溫色黃迷味苦色青三物不同所用各別

大明曰海南生者即蓬莖迷江南生者即為薑黃

蘇頌曰薑黃今江廣蜀川多有之葉青綠長一二尺許闊三四寸有斜文如紅蕉葉而小花紅白色至中秋漸凋春末方生其花先生次方生葉不結實根盤屈黃色類生薑而圓有節八月采根片切暴乾蜀人以治氣脹及產後敗血攻心甚驗蠻人生嗽云可以祛邪辟惡按鬱金薑黃迷藥三物相近蘇恭不能分別乃為一物陳藏器以色味分別三物又言薑黃是三年老薑所生近年汴都多種薑往往有薑黃生賣乃是老薑市人買嗽云治氣為最大方亦時用之又

有廉薑亦是其類而自是一物

李時珍曰近時以扁如乾薑形者為片子薑黃圓如蟬腹形者為蟬肚鬱金並可浸水染色迷形雖似鬱金而色不黃也

根氣味

辛苦大寒無毒

陳藏器曰辛少苦多性熱不冷云大寒誤矣

根主治

唐本草曰心腹結積疰忤下氣破血除風熱消癰腫功力烈於鬱金

大明曰治癰瘰血塊通月經治撲損瘀血止暴風痛冷氣下食

蘇頌曰祛邪辟惡治氣脹產後敗血攻心

李時珍曰治風痺臂痛

發明

李時珍曰薑黃鬱金迷藥三物形狀功用皆相近但鬱金入心治血而薑黃兼入脾兼治氣迷藥則入肝兼治氣中之血為不同耳古方五痹湯用片子薑黃治風寒濕氣手臂痛戴原禮要訣云片子薑黃能入手臂治痛其兼理血中之氣可知

附方

心痛難忍薑黃一兩桂三兩為末醋湯服一錢

胎寒腹痛啼哭吐乳大便色青狀若驚搐出冷汗薑黃一錢沒藥木香乳香二錢為末蜜丸芡子大每服

一丸鈎藤煎湯化下

產後血痛有塊用薑黃桂心等分為末酒服方寸匕

血下盡即愈

瘡癰初生薑黃末摻之

南產

薑黃葉青綠而窄有斜文花白紅色根盤屈而黃類

盤圓而有節出邵武仙亭山

中華書局影印

欽定古今圖書集成博物彙編草木典

第一百五十五卷目錄

大黃部彙考

大黃圖

本草綱目 大黃

大黃部藝文一

大黃贊

大黃部藝文二 詩

大黃花

大黃部紀事

大黃部雜錄

宋宋祁

宋范成大

草木典第一百五十五卷

大黃部彙考

釋名

大黃 本經

將軍 綱目

膚如 綱目

黃良 本經

火參 綱目

無聲虎 藥譜

大黃圖



本草綱目

大黃釋名

陶弘景曰大黃其色也將軍之號當取其駿快也  
李杲曰推陳致新如戡定禍亂以致太平所以有將軍之號

集解

別錄曰大黃生河西山谷及隴西一月八月采根火乾  
吳普曰生蜀郡北部或隴西二月卷生黃赤其葉四

四相當莖高三尺許三月花黃五月實黑八月采根  
根有黃汁切片陰乾

陶弘景曰今采益州北部汶山及西山者雖非河西  
隴西好者猶作紫地錦色味甚苦澀色至濃黑西川  
陰乾者勝北部日乾亦有火乾者皮小焦不如而耐  
蛀堪久此藥至勁利粗者便不中服

蘇恭曰葉子莖並似羊蹄但莖高六七尺而脆味酸  
堪生啖葉粗長而厚根紅者亦似宿羊蹄大者乃如  
筍長二尺其性濕潤而易蛀壞火乾乃佳作時燒石

使熱橫寸截著石上燂之一日微燥以繩穿眼乾今

出宕州涼州西羌蜀地者皆佳函并以北者漸細氣

力不及蜀中者陶言蜀地不及隴西誤矣

陳藏器曰凡用當分別之若取和及深沉能攻病者

可用蜀中似牛舌片緊硬者若取瀉洩駿快推陳去

熱者當取河西錦文者

蘇頌曰今蜀川河東陝西州郡皆有之以蜀川錦文

者佳其次秦隴來者謂之土番大黃正月內生青葉

似蓖麻大者如扇根如芋大者如筍長一二尺其細

根如牛蒡小者亦如芋四月開黃花亦有青紅似蕎

麥花者莖青紫色形如竹二八月采根去黑皮切作

橫片火乾蜀大黃乃作緊片如牛舌形謂之牛舌大

黃二者功用相等江淮出者曰土大黃二月開花結

細實

李時珍曰宋祁益州方物圖言蜀大山中多有之赤

莖大葉根巨若盤藥市以大者為枕紫地錦文也今

人以莊浪出者為最莊浪即古涇原隴西地與別錄

相合

正誤

蘇頌曰鼎州出一種羊蹄大黃治疥癬甚效初生苗

葉累年長大即葉似商陸而狹尖四月內抽條出穗

五七莖相合花葉同色結實如蕎麥而輕小五月熟

即黃色呼為金蕎麥三月采苗五月采實陰乾九月

采根破之亦有錦文亦呼為土大黃

李時珍曰蘇說即老羊蹄根也因其似大黃故謂之

本條

根修治

雷敦曰凡使細切以文如水旋斑緊重者剉片蒸之從已至未曬乾又灑蠟水蒸之從未至多如此凡七次曬乾却灑淡蜜水再蒸一伏時其大黃必如烏膏樣乃曬乾用

陳藏器曰凡用有蒸有生有熟不得一槩用之

陳承曰大黃采時皆以火石燂乾貨實更無生者用之亦不須更多炮炙蒸煮

氣味

苦寒無毒

別錄曰大寒

吳普曰神農雷公皆有毒扁鵲苦無毒李當之大寒張元素曰味苦氣寒氣味俱厚沈而降陰也用之須酒浸煨熱者寒因熱用酒浸入太陽經酒洗入陽明經餘經不用酒

李杲曰大黃苦峻下走用之於下必生用若邪氣在上非酒不至必用酒浸引上至高之分驅熱而下如物在高巔必射以取之也若用生者則遺至高之邪熱是以愈後或目赤或喉痺或頭腫或膈上熱疾生也

李時珍曰凡病在氣分及胃寒血虛并妊娠產後並勿輕用其性苦寒能傷元氣耗陰血故也

徐之才曰黃芩爲之使無所畏

甄權曰忌冷水惡乾漆

主治

本經曰下瘀血閉寒熱破瘕積聚留飲宿食湯

蘇腸胃推陳致新通利水穀調中化食安和五臟別錄曰平胃下氣除痰實腸間結熱心腹脹滿女子寒血閉脹小腹痛諸老血雷結

甄權曰通女子經候利水腫利大小腸結熱腫毒小兒寒熱時疾煩熱蝕膿

大明曰通宣一切氣調血脈利關節泄壅滯水氣溫瘴熱瘧

張元素曰瀉諸實熱不通除下焦濕熱消宿食瀉心下痞滿

李時珍曰下痢赤白裏急腹痛小便淋瀝實熱燥結潮熱諸語黃疸諸火瘡

發明

徐之才曰得芍藥黃芩牡蠣細辛茯苓療驚恚怒心下悸氣得消石紫石英桃仁療女子血閉

寇宗奭曰張仲景治心氣不足吐血衄血瀉心湯用大黃黃芩黃連或曰心氣既不足而不用補心湯更用瀉心何也答曰若心氣獨不足則當不吐衄也此乃邪熱因不足而客之故今吐衄以苦洩其熱以苦補其心蓋一舉而兩得之有是證者用之無不效惟在量其虛實而已

朱震亨曰大黃苦寒善泄仲景用之瀉心湯者正因少陰經不足本經之陽亢甚無輔以致陰血妄行飛越故用大黃瀉去亢甚之火使之平和則血歸經而自安夫心之陰氣不足非一日矣肺與肝俱各受火而病作故黃芩救肺黃連救肝肺者陰之主肝者心之母血之合也肝肺之火既退則陰血復其舊矣寇氏不明說而云邪熱客之何以明仲景之意而開悟

後人也

李時珍曰大黃乃足太陰手足陽明手足厥陰五經血分之藥凡病在五經血分者宜用之若在氣分用之是謂誅伐無過矣瀉心湯治心氣不足吐血衄血者乃真心之氣不足而手厥陰心包絡足厥陰肝足太陰脾足陽明胃之邪火有餘也雖曰瀉心實瀉四經血中之伏火也又仲景治心下痞滿按之軟者用大黃黃連瀉心湯主之此亦瀉脾胃之濕熱非瀉心也病發於陰而反下之則作痞滿乃寒傷營血邪氣乘虛結於上焦胃之上脘在於心故曰瀉心實瀉脾也素問云太陰所致爲痞滿又云濁氣在上則生脹脹是矣病發於陽而反下之則成結胃乃熱邪陷入血分亦在上脘分野仲景大陷胃湯丸皆用大黃亦瀉脾胃血分之邪而降其濁氣也若結胃在氣分則只用小陷胃湯痞滿在氣分則用半夏瀉心湯矣成無己註釋傷寒論亦不知分別此義

成無己曰熱淫所勝以苦泄之大黃之苦以蕩滌瘀熱下燥結而泄胃強

蘇頌曰本草稱大黃推陳致新其效最神故古方下積滯多用之張仲景治傷寒用處尤多古人用毒藥攻病必隨人之虛實寒熱而處置非一切輕用也梁武帝因發熱欲服大黃姚僧坦曰大黃乃是快樂至尊年高不可輕用帝弗從後至委頓梁元帝常有心腹疾諸醫咸謂宜用平藥可漸宣通僧坦曰脈洪而實此有宿妨非用大黃無瘥理帝從之遂愈以此言之今醫用一毒藥而攻衆病其偶中便謂此方神奇其差誤則不言用藥之失可不戒哉

藥氣味

酸寒無毒

主治

相感志曰置薦下辟風蟲

附方

吐血衄血治心氣不足吐血衄血者瀉心湯主之大黃二兩黃連黃芩各一兩水三升煮一升熱服取利

張仲景方

吐血刺痛川大黃一兩為散每服一錢以生地黃汁

一合水半盞煎三五沸無時服

張仲景方

傷寒痞滿病發於陰而反下之心下滿而不痛按之

濡此為痞也大黃黃連瀉心湯主之大黃二兩黃連

一兩以麻沸湯一升漬之須臾絞汁分作二次溫服

仲景傷寒論

熱病譫狂川大黃五兩剉炒微赤為散用臘雪水五

升煎如膏每服半匙冷水下

聖惠方

傷寒發黃方同上 氣壯者大黃一兩水二升漬一

宿平旦煎汁一升入芒硝一兩緩服須臾當利下

寒傷

腰脚風氣作痛大黃二兩切如棗子和少酥炒乾勿

令焦搗篩每用二錢空心以水三大合入薑三片煎

十餘沸取湯調服當下冷膿惡物即痛止

崔元亮

一切壅滯經驗方治風熱積壅化痰瀉治痞悶消食

化氣導血用大黃四兩牽牛子半炒生四兩為末煉

蜜丸如梧子大每服十丸白湯下並不損人如要微

利加一二九 衛生寶鑑用皂莢熬膏和丸名墜

痼丸又名全真丸金宣宗服之有驗賜名保安丸

滾痰丸治痰為百病惟水瀉胎前產後不可服用大

黃酒浸蒸熟切曬八兩生黃芩八兩沈香半兩青礞

石二兩以焰硝二兩同入砂罐固濟煅紅研末二兩

右各取末以水和丸梧子大常服一二九小病五

六十丸緩病七八九急病一百二十九溫水吞下

即臥勿動候藥逐上焦痰滯次日先下糟粕次下痰

涎未下再服王隱君歲合四十餘斤愈疾數萬也

生藥

無極丸治婦人經血不通赤白帶下崩漏不止腸風

下血五淋產後積血癥瘕腹痛男子五勞七傷小兒

骨蒸潮熱等證其效甚速宜六癸日合之用錦文大

黃一斤分作四分一分用童尿一盞食鹽二錢浸一

日切曬一分用醇酒一盞浸一日切曬再以巴豆仁

三十五粒同炒豆黃去豆不用一分用紅花四兩泡

水一盞浸一日切曬一分用當歸四兩入淡醋一盞

同浸一日去歸切曬為末煉蜜丸梧子大每服五十

丸空心溫酒下取下惡物為驗未下再服此武當高

集要

士孫碧雲方也

三物備急丸治心腹諸疾卒暴百病用大黃巴豆乾

薑各一兩搗篩蜜和搗一千杵丸小豆大每服三九

凡中客卒心腹脹滿痛如錐刀氣急口噤停尸卒

死者以煖水或酒服之或灌之未知便服三九腹中

鳴轉當吐下便愈若口已噤者折齒灌之入喉即差

此乃仲景方司空裴秀改為散用不及丸也

本草

腹中痞塊大黃十兩為散醋三升蜜兩匙和煎丸梧

子大每服三十九生薑湯下吐利為度

外臺

腹脅積塊風化石灰末半斤瓦器炒極熱稍冷入大

黃末一兩炒熟入桂心末半兩略炒下米醋攪成膏

攤布貼之 又方大黃二兩朴硝一兩為末以大蒜

同搗膏和貼之或加阿魏一兩尤妙

丹溪

久患積聚二便不利上搶心腹脹滿害食大黃白芍

各二兩為末水丸梧子大每湯下四十九日三以知

為度

脾癖疳積不拘大人小兒錦文大黃三兩為末醋一

盞沙鍋內文武火熬成膏傾瓦上日曬夜露三日再

研用船上硫黃一兩形如琥珀者宮粉一兩同研勻

十歲以下小兒半錢大人一錢半米飲下忌一切生

冷魚肉只食白粥半月如一月不愈半月之後再服

若不忘口不如勿服

聖濟

小兒無辜閃癖癰癰或頭乾黃聾或乍痢乍瘥諸狀

多者大黃煎主之大黃九兩錦文新實者若微朽即

不中用削去皮搗篩為散以好米醋三升和置瓦盃

中於大鑊內浮湯上炭火慢煮候至成膏可丸乃貯

器中三歲兒一服七九梧子大日再服以下出青赤

膿為度若不下去或少稍稍加九若下多又須減之

病重者七八劑方盡根大人亦可用之此藥惟下宿

膿不令兒利也須禁食毒物乳母亦禁之一加木香

崔知

一兩半

小兒諸熱大黃煨熟黃芩各一兩為末煉蜜丸麻子

大每服五九至十九蜜湯下加黃連各三黃九

小兒氏

骨蒸積熱漸漸黃瘦大黃四分以童子小便五六合

煎取四合去滓空腹分為二服如人行五里再服

利黃

赤白濁淋好大黃爲末每服六分以雞子一箇破頂入藥攪勻蒸熟空心食之不過三服愈簡便方

相火秘結大黃末一兩牽牛頭末半兩每服三錢有厥冷者酒服無厥冷五心煩蜜湯服劉河間保命集方

諸痢初起大黃煨熟當歸各二三錢壯人各一兩水煎服取利或加檳榔集簡方

熱痢裏急大黃一兩浸酒半日煎服取利集簡方

忽喘悶絕不能語言涎流吐逆牙齒動搖氣出轉大絕而復蘇名傷寒併熱霍亂人參大黃各半兩水二盞煎一盞熱服可安范氏得效方

食已即吐胃中有火也大黃一兩甘草二錢半水一升煮半升溫服金匱玉函方

婦人血癖作痛大黃一兩酒二升煮十沸頓服取利千金翼方

產後血塊大黃末一兩頭醋半升熬膏九梧子大每服五丸溫醋化下良久當下千金方

乾血氣痛錦文大黃酒浸曬乾四兩爲末好醋一升熬成膏九芡子大臥時酒化一丸服大便利一二行紅漏自下乃調經仙藥也或加香附集驗方

婦人嫁痛小戶腫痛也大黃一兩酒一升煮一沸頓服千金方

男子偏墜作痛大黃末和醋塗之乾則易梅師方

濕熱眩運不可當者酒炒大黃爲末茶清服二錢急則治其標也升溪藥要方

小兒腦熱常欲閉目大黃一分水三合浸一夜一歲兒服半合餘者塗頂上乾則再上至寶方

暴赤目痛四物湯加大黃酒煎服之傳信通方

胃火牙痛口含冰水一口以紙燃蘸大黃末隨左右嚼鼻立止備門方

紫金散治風熱積壅一切牙痛去口氣大有奇效好大黃瓶內燒存性爲末早晚搽牙漱去都下一家專貨此藥兩宮常以數千贖之其門如市也千金家藏方

風蟲牙痛齦常出血漸至崩落口臭極效大黃米泔浸軟生地黃各旋切一片合定貼上一夜即愈未愈再貼忌說話恐引入風本事方

口瘡糜爛大黃枯礬等分爲末擦之吐涎聖惠方

鼻中生瘡生大黃杏仁搗勻猪脂和塗又方生大黃黃連各一錢麝香少許爲末生油調搽聖惠方

仙茅毒發舌脹出口方見仙茅下

傷損瘀血三因方雞鳴散治從高墜下木石壓傷及一切傷損瘀凝積痛不可忍並以此藥推陳致新大黃酒蒸一兩杏仁去皮二十一粒細研酒一盞煎六分雞鳴時服至曉取下瘀血即愈和濟方治跌壓瘀血在內脹滿大黃當歸等分炒研每服四錢溫酒服取下惡物愈

打撲傷痕瘀血滾注或作潮熱者大黃末薑汁調塗一夜黑者紫二夜紫者白也濟世方

杖瘡腫痛大黃末醋調塗之童便亦可調醫方金瘡煩痛大便不利大黃黃芩等分爲末蜜丸先食水下十九日三服千金方

凍瘡破爛大黃末水調塗之衛生寶鑑方

湯火傷灼壯浪大黃生研蜜調塗之不惟止痛又且滅癰此乃金山寺神人所傳方洪邁夷堅志方

炎瘡飛蝶因艾艾訖火痴便退瘡內鮮肉片飛如蝶形而去痛不可忍是火毒也大黃朴硝各半兩爲末水服取利即愈醫家說

蠅咬瘡大黃末塗之醫方

火丹赤腫遍身者大黃磨水頻刷之急效方

腫毒初起大黃五倍子黃蘗等分爲末新汲水調塗日四五次簡便方

癰腫焮熱作痛大黃末醋調塗之燥即易不過數易即退奇驗神方也肘後方

乳癰腫毒全黃散用川大黃粉草各一兩爲末好酒熬成膏收之以絹攤貼瘡上仰臥仍先以溫酒服一大匙明日取下惡物婦人經方

大風癩瘡大黃煨一兩皂角刺一兩爲末每服方寸匕空心溫酒下取出惡毒物如魚腦狀未下再服即取下如亂髮之蟲取盡乃服雄黃花蛇藥名遍天再造散十便良方

大黃部藝文一

大黃贊

宋宋祁

蜀大山中多有之尤爲東方所貴苗根皆長盈二尺本草言之尤詳藥市所見大者治之爲枕紫地錦文唐人以爲產蜀者性和厚沈深可以治病形似牛舌緊緻者善蜀所生藥尚多如川之巴豆峽之椒梓之厚朴尚數十輩

葉大莖赤根若巨血治疾則多方家所諸

大黃部藝文二

大黃花

宋范成大

大芋高荷半畝陰玉英危綴碧瑤簪誰知一葉蓮花  
面中有將軍劍戟心

大黃部紀事

北史姚僧坦傳僧坦字法衛吳興武康人仕梁爲太  
醫正梁武帝嘗因發熱服大黃僧坦曰大黃快藥至  
尊年高不宜輕用帝弗從遂至危篤太清元年轉鎮  
西湘東王府中記室參軍僧坦少好文史爲學者所  
稱及梁簡文帝位僧坦兼中書舍人梁元帝平侯景  
召僧坦赴荊州改授晉安王府諮議梁元帝嘗有心  
腹病諸醫皆請用平藥僧坦曰脈洪實宜用大黃元  
帝從之進湯訖果下宿食因而疾愈時初鑄錢一當  
十乃賜十萬貫實百萬也

宋史劉敞傳敞字聲伯樂清人咸淳九年試吏部尚  
書兼中書舍人十年丁母憂明年江上潰師丞相陳  
宜中擁二王入海以兵逆敞共政及羅浮以疾卒初  
陳宜中夢人告之曰今年天災流行人死且半服大  
黃者生繼而疫癘大作服者果得不死及敞病宜中  
令服之終莫能救

元史耶律楚材傳楚材事金爲左右司員外郎太祖  
定燕聞其名召見之丙戌冬從下靈武諸將爭取子

女金帛楚材獨收遺書及大黃藥材既而士卒病疫  
得大黃輒愈

霏雪錄葛可久姑蘇人治方脈術與丹溪朱彥修齊  
名嘗妙大黃過焦悉棄去不用其謹如此又善以生  
辰推禍福尤習武藝一日見莫猗開桑弓可久挽之  
而穀歸而下血亟命其子煎大黃四兩飲之其子惡  
多私減其半不下問故其子以實對可久曰少耳亦  
無傷也我命來年當死今則未也再服二兩愈明年  
果卒

大黃部雜錄

水經注魏土地記曰代城東五十里有到刺山山上  
有佳大黃也

欽定古今圖書集成博物彙編草木典

第一百五十六卷目錄

青箱部彙考

青箱圖

本草綱目

青箱 附 桃朱衛 天靈草 思葉

青箱部藝文

草決明

明屠本峻

蒼耳部彙考

蒼耳圖

胡蒼耳圖

詩經 周南卷耳

爾雅 釋草

毛詩陸疏廣要 采果卷耳

東坡雜錄 蒼耳錄

林洪山家清供 進賢菜

徐光啓農政全書 蒼耳考 胡蒼耳考

本草綱目 衆耳

蒼耳部藝文 詩

驅豎子摘蒼耳

唐杜甫

尋魯城北范居士失道落蒼耳中見范置酒摘

蒼耳作

李白

寄周平叔先生就求蒼耳子 元成廷珪

蒼耳部選句

蒼耳部雜錄

赤箭部彙考

赤箭圖

抱朴子 獨搖芝

段成式酉陽雜俎 合離

東坡雜記 天麻煎

本草綱目 赤箭

赤箭部紀事

赤箭部雜錄

丹參部彙考

丹參圖

本草綱目 丹參

赭魁部彙考

赭魁圖

本草綱目 赭魁

赭魁部雜錄

草木典第一百五十六卷

青箱部彙考

釋名

青箱 本經

萋蒿 本經

崑崙草 唐本草

雞冠兒 綱目

天靈草 附

草蒿 本經

草決明 本經

野雞冠 綱目

桃朱衛 附

思黃子 附

青箱圖



本草綱目

青箱釋名

李時珍曰青箱名義未詳胡麻葉亦名青囊此草又多生於胡麻地中與之同名豈以其相似而然耶青蒿亦名草蒿其功相似而名亦相同何哉其子明目與決明子同功故有草決明之名其花葉似雞冠嫩苗似莧故謂之雞冠兒鄭樵通志言俗名牛尾蒿誤矣

集解

別錄曰青箱生平谷道旁三月采莖葉陰乾五月六月采子

陶弘景曰處處有之似麥柵花其子甚細別有草蒿或作草囊主療殊相類形名又相似可疑而實兩種也

蘇恭曰此草苗高尺餘葉細軟花紫白色實作角子黑而扁光似莧實而大生下濕地四月五月采荆襄人名爲崑崙草

蘇頌曰今江淮州郡近道亦有之二月生青苗長三

四尺葉闊似柳而輭莖似蒿青紅色六月七月內生花上紅下白子黑光而扁似莧若根亦似蒿根而白直下獨莖生根六月八月采子

李時珍曰青葙生田野間嫩苗似莧可食長則高三四尺苗葉花實與雞冠花一樣無別但雞冠花穗或有大而扁或圓者此則稍間出花穗尖長四五寸狀如兔尾水紅色亦有黃白色者在穗中與雞冠子及莧子一樣難辨蘇恭言其結角誤矣蕭炳言黃花者名陶珠術與陳藏器所說不同又有天靈草亦此類也并附於下

附錄陶朱術

蕭炳曰青葙一種花黃者名陶朱術苗相似陳藏器曰桃朱術生園中細如芹花紫子作角以鏡向旁敲之則子自發五月五日乃收子帶之令婦人爲夫所愛

附錄天靈草

李時珍曰按土宿真君本草云狀如雞冠花葉亦如之折之有液如乳生江湖荆南陂池間五月取汁可制雄硫黃雌煉砂

附錄思莧子

雷敩曰思莧子鼠細子二件真似青葙子只是味不同思莧子味苦煎之有涎

葉莖修治

雷敩曰凡用先燒鐵杵臼乃搗用之

氣味

苦微寒無毒

主治

本經曰邪氣皮膚中熱風瘙身癢殺三蟲別錄曰惡瘡疥癬痔蝕下部監瘡

蘇恭曰搗汁服大療溫瘡

大明曰止金瘡血

子氣味

苦微寒無毒

甄權曰苦平

主治

本經曰腎口青

大明曰治五臟邪氣益腦髓鎮肝明目目堅筋骨去風寒濕痹

甄權曰治肝臟熱毒衝眼赤障青盲翳腫惡瘡疥瘡

發明

蕭炳曰理眼有青葙子丸寇宗奭曰青葙子經中不言治眼惟藥性論曰華子始言治肝明目今人多用治眼殊與經意不相當

李時珍曰青葙子治眼與決明子莧實同功本經雖不言治眼而云一名草決明主腎口青則其明目之功可知矣目者肝之竅腎口青者足厥陰經之證古

方除熱亦多用之青葙子之爲厥陰藥又可知矣况用之治目往往有驗尤可徵據魏略云初平中有青牛先生常服青葙子九年百餘歲如五六十者

附方

鼻血不止眩冒欲死青葙子汁三合灌入鼻中

貞元廣利

青葙部藝文詩

草決明

明屠本峻

惟茲決明有石有草石也體剛草也色好葱蒨秋妍幽人所憐雨中百草爛死階下決明色鮮

蒼耳部彙考

釋名

卷耳 詩經

卷耳 爾雅

蒼耳 爾雅

泉耳 廣雅

常泉 廣雅

耳瑤 詩疏

爵耳 詩疏

胡泉 爾雅註

蒼耳 本經

地葵 本經

常思 別錄

禮菜 爾雅翼

野茄 綱目

喝起草 綱目

道人頭 爾雅

進賢菜 記事珠

羊負來 別錄

織絲草 證治要訣

蒼耳圖



胡蒼耳圖



詩經

周南卷耳

采采卷耳不盈頃筐

孔卷耳蒼耳釋草文郭璞曰廣雅云泉耳亦云胡泉江東呼常泉或曰蒼耳形似鼠耳叢生似盤陸璣疏云葉青白色似胡荽白華細莖蔓生可煮爲茹滑而少味四月中生子如婦人耳中璫今或謂之耳璫幽州人謂之爵耳是也本本草卷耳即今蒼耳今人藥中多用之

爾雅

釋草

蒼耳蒼耳

廣雅云泉耳也亦云胡泉江東呼爲常泉或云

蒼耳形似鼠耳叢生如盤注蒼耳一名蒼耳郭云

廣雅云泉耳也亦云胡泉江東呼爲常泉或曰蒼

耳形似鼠耳叢生如盤詩周南云采采卷耳陸璣

疏云葉青白色似胡荽白華細莖蔓生可煮爲茹

滑而少味四月中生子如婦人耳璫幽州謂之爵

耳是也

毛詩陸疏廣要

周南卷耳

采采卷耳

卷耳一名泉耳一名胡泉一名蒼耳葉青白色似

胡荽白華細莖蔓生可煮爲茹滑而少味四月中

生子如婦人耳中璫今或謂之耳璫草鄭康成謂

是白胡荽幽州人呼爵耳

爾雅云卷耳蒼耳郭註廣雅云泉耳也亦云胡泉

江東呼爲常泉或云蒼耳形似鼠耳叢生如盤詩

周南云采采卷耳鄭註舊說蒼耳非也此即卷菜

葉如錢細莖被地本草曰泉耳一名胡泉一名地

葵一名施一名常思生安陸川谷及六安田野實

熟時採堪雅云爾雅曰卷耳蒼耳廣雅曰即泉耳

也幽州人謂之爵耳或曰形似鼠耳故有耳之號

或曰白華細莖子如婦人耳璫故名荆楚記曰卷

耳一名璫草亦云蒼耳叢生如盤詩曰采采卷耳

不盈頃筐陸我儼人真彼周行言后妃持是器采

是物而不滿焉則以志在彼不在此也問者曰后妃貴矣今日采卷耳何也曰是詩也非是之謂也詩人借此以寫后妃之志耳故曰說詩者不以文害詞不以詞害志以意逆志是爲得之爾雅翼云卷耳菜名也幽冀謂之顧菜雒下謂之胡泉江東呼爲常泉葉青白色似胡荽白華細莖可煮爲茹滑而少味又謂之常思菜僧人皆食之又以其葉覆鞠作黃衣崔寔四民月令曰伏後二十日爲鞠至七月七日乾之覆以胡泉故古人采之卷耳之詩后妃志欲輔佐君子求賢審官知臣下之勤勞先儒多異說蓋采卷耳職之賤者淮南子稱瞽師庶女位賤尚泉權輕飛羽許叔仲曰尚主也泉者泉耳菜名也主是官者至微賤也瞽師庶女復賤於主是之官故曰權輕飛羽觀此則主泉之官位之微者周禮顧不可考或成周以前周南之官有之其實如蒼耳而蒼色上多刺好著人衣今人通謂之蒼耳其一名施離騷以譬小人所謂蕢菜施以盈室是也一名羊負來博物志曰洛中有人入蜀胡泉著羊毛蜀人種之曰羊負來也陶隱居乃云昔中國無此言從外國逐羊毛中來據此物既稱胡泉必是胡物但國風爾雅所載則其來已久而羊負來之名僅出後代則此名恐自洛入蜀者得之按本草云卷耳一名施離騷云蕢菜施以盈室今王逸註曰施泉耳也或又因爾雅卷施草謂即是施郭氏以爲宿莽引離騷夕華中洲之宿莽句第宿莽遇冬不死泉耳至秋彫彫確是二物又按詩